

Halmashauri tengeni fedha za mapato ya ndani na kujenga mabweni kwani mnao uwezo

Muleba, mkoani Kagera alisema katika kukabili changamoto ya ajira kwa vijana,



Sanga).

HABARI LEO UK 8.

* Wafugaji kusaidiwa masoko na programu za simu, SMS *

Na Mwandishi Maalumu,
Hyderabad

IMEELEZWA kuwa matumizi ya programu za simu na huduma za ujumbe mfupi ili kusambaza taarifa za soko kwa wakulima na wafugaji kutawezesha kufanyika kwa maamuzi sahihi kuhusu lini, wapi na nini cha kuuza sokoni.

Kauli hiyo imetolewa na Daktari wa Mifugo wa Halmashauri ya Chamwino, Dk David Msimbe wakati akifanya wasilisho katika

mafunzo yaliyoshirikisha nchi 13 ikiwamo Tanzania jijini Hyderabad, India.

Mafunzo hayo yalifadhiliwa na Indian Technical and Economic Cooperation (ITEC) na kufanyika katika Taasisi ya Agricultural Extension Management (MANAGE) jijini Hyderabad, India.

Akizungumzia mnyororo wa utumiaji wa mfumo wa ugavi na upatikanaji wa soko nchini alisema mawasiliano hayo yataondoa changamoto zinazojitokeza katika kung'amua hali halisi ya

soko.

Alisema kutokana na wakulima wengi wa Tanzania kuwa na uwezo mdogo wa kufikia masoko rasmi kuwapo kwa mawasiliano ya simu na ujumbe mfupi kutafungua ukubwa wa soko.

"Mara nyingi wakulima na wafugaji wetu hutegemea masoko ya ndani yasiyo rasmi, ambapo bei ni ya chini na taarifa za soko ni chache, lakini kwa kutumia mawasiliano fursa nyingi za soko zitaonekana," alisema.

Aidha alisema mfumo huo

unaweza kuchukua jukumu muhimu katika kutatua changamoto zinazokabili sekta ya kilimo na ufugaji na kuboresha fursa zake.

"Tunaweza kufanikisha hili kwa kukuza ubia kati ya Sekta ya Umma na Sekta Binafsi (PPP)," alisema.

Aidha alisema kwa kuwa tayari Tanzania inashirikiana na sekta binafsi kuwekeza katika miundombinu ya ugavi, kama vile maghala, usafirishaji na soko, ufikiaji wa huduma za kifedha na uwekezaji kidijiti utaimarisha

soko.

Akizungumzia maendeleo ya miundombinu, Dk Msimbe alisema uwekezaji unaoendelea kufanywa katika mitandao ya barabara za vijijini na miundombinu ya usafirishaji itapunguza gharama za usafirishaji na kuwawezesha wakulima na wafugaji kufikia masoko kwa urahisi zaidi.

"Tanzania ina uwezo mkubwa wa kuuza nje, hasa kwa mazao ya thamani ya juu kama vile kilimo cha bustani, viungo na kahawa.

Miundombinu iliyoboreshwa ya ugavi na uzingatiaji wa viwango vya ubora hufungua masoko ya kimataifa," alisisitiza.

Aidha aliwaeleza washiriki wa mafunzo hayo kuwa Serikali ya Tanzania imeweka bayana ajenda na vipaumbele vya kilimo na mifugo katika mikakati ya miaka mingi na ya kissekta ukiwemo Mpango wa tatu wa Maendeleo wa Miaka Mitano (FYDP III), Pathways for Sustainable Food Systems 2030 na Ajenda 10/30 (ADBG, 2023).

Wavuvi washauriwa kuunganisha nguvu

Na Hamida Kamchalla,
PANGANI

MKURUGENZI wa Kituo cha Mafunzo cha Kanda ya Ziwa - Mwanza, Prof. Juvenal Nkonoki, amevihimiza vikundi vya wavuvi na wachakataji dagaa wilayani Pangani, Tanga kudumisha umoja na ushirikiano kwani ndiyo mtaji wa maendeleo unaoweza kuwaletia mafanikio kwa haraka.

Prof. Nkonoki aliyasema hayo katika hafla ya ufunguzi wa mafunzo ya siku mbili ya kuvijengea uwezo vyama vya ushirika kwa vikundi 11 vya wavuvi na wachakataji dagaa yaliyofanyika katika kijiji cha Sakura, kata ya Kipumbwi wilayani hapa.

Mafunzo hayo yalivishiriki-sha vikundi hivyo vyenye wanachama 218 wakiwamo wanawake 118 na wanaume 100.

"Mkiwa katika umoja tuna imani hata tukiwajengea uwezo mtakuwa na nguvu ya kutoka pale mlipo na kwenda sehemu nyingine kwa vile mtakuwa na uwezo wa kutatua changamoto zinazokabili sekta ya uvuvi.

"Tunaamini kwa umoja wenu mafunzo haya yanakwenda kuwa chachu ya mabadiliko kweni na mnao wawakilisha tunatarajia mafanikio makubwa kupitia mafunzo haya mliyoyapata hii leo" alisema Prof. Nkonoki.

Aidha, Prof. Nkonoki alishukuru serikali ya Japan na Shirika la Maendeleo la Umoja wa Mataifa (UNDP) kwa ufaadhili wao lakini pia Ofisi ya Waziri Mkuu kwa uratibu wa mafunzo hayo.

Awali, mwakilishi kutoka Ofisi ya Waziri Mkuu, Meja Hassan Kheri, alisema mafunzo hayo ni moja kati ya malengo ya mradi wa kukabiliana na vitendo vya kihalifu katika bahari na maziwa makuu nchini.

Alisema Februari, mwaka huu, Waziri Mkuu Kassim Majaliwa alizindua mwongozo wa kukabiliana na vitendo vya uhalifu katika bahari na maziwa makuu kwa lengo la kuimarisha ulinzi na usalama katika maeneo hayo.

Mratibu wa mafunzo hayo, Dk. Bonamax Mbasa, ambaye ni Mhadhiri Mwandamizi kutoka Chuo cha Mipango ya Maendeleo Vijijini alisema mafunzo ya kuvijengea uwezo vikundi hivyo yataendelea kufanyika katika wilaya tatu ambazo shughuli zake za kiuchumi zinategemea uvuvi baharini. Alizitaja wilaya hizo kuwa ni Mafia, Pangani na Bagamoyo.



Asis

Na Jaliwas
BABATI

Mamesema w bukizi ya napaswa miezi 18 ili fubaza viru wa kitaalam Dk. Shiji wakati wa na Nipashetoto chini bao wanai Alisema wanapata wakati wa kujifungu nyonya. "Mtoto

Mw

Na Tuma

BARAZ na Usim (NEMO), mwekeza zalisha Chanzi, itokanay mika ku Kiwan funza k chakula kuwapo kuwa k naoishi hemu h Kaim gatiaji r

elimu ya usalama barabarani juzi katika Kijiji cha...
kwa wananchi wakiiomba serikali kuwajengea matuta eneo hilo na kuwekewa...
Pundamilia na vibao vya spidi 50 baada ya watu 16 kupoteza maisha kwa kugongwa na magari. **PICHA:**
STEVEN WILLIAM

NIPASHE UK 2.

Wafugaji walaani operesheni inayoendelea, DC afafanua

Na Paul Mabeja, DODOMA

CHAMA cha Wafugaji Tanzania (CCWT) kimelaani vitendo vya unyanyasaji na mauaji ya wafugaji vinavyodaiwa kufanyika hivi karibuni katika wilaya za Tunduru mkoani Ruvuma na Nachigwea mkoani Lindi.

Kutokana na hali hiyo, chama hicho kimemwangukia Rais Samia Suluhu Hassan kikimwomba kuingilia kati kwa kuunda tume itakayosaidia kukomesha hali hiyo kwa kuwa ni kero kwa wafugaji katika mikoa ya kusini.

Makamu Mwenyekiti wa chama hicho, Kusundwa Wamalwa, alibainisha hayo jana jijini hapa alipozungumza na waandishi wa habari kuhusu matukio ya mapigano kati ya wafugaji na wakulima katika wilaya hizo.

Alisema katika siku za karibuni kumekuwa na mapigano ya wakulima na wafugaji kwenye maeneo hayo na kusababisha baadhi ya wafugaji kupoteza maisha.

"Hivi karibuni kumekuwapo na mapigano ya kushtukiza katika maeneo haya ya wakulima na wafugaji ambayo yamepelekea baadhi ya wafugaji wetu kupoteza maisha tunaomba serikali ichukue hatua kwa kuwa wafugaji wananyanyasika sana kana kwamba si Watanzania.

"Mnamo Agosti 4, 2023, kuna mfugaji aliyejulikana kwa jina la Weja Lukaresha, anadaiwa kufa katika Kijiji cha Chiwana, Tarafa ya Narasi wilayani Tunduru kwa kupigwa risasi akiwa ndani ya zizi la mifugo yake, lakini hakuna hatua ambazo zimechukuliwa

hadi hivi sasa," alidai.

Kiongozi huyo alisema kuwa moja ya sababu zinachochea vitendo vya unyanyasaji wa wafugaji ni operesheni ya kukamata mifugo inayoendeshwa na mkuu wa wilaya ya Tunduru.

"Tumemwandikia barua Mkuu wa Wilaya ya Tunduru kusitisha operesheni hii na nakala kuipeleka katika wizara mtambuka ikiwamo Ofisi ya Rais - TAMISEMI, lakini hakuna hatua zilizochukuliwa," alisema.

Wamalwa alisema kuwa kutokana na operesheni hiyo kutumika vibaya na kamati za ulinzi na usalama imapelekea mifugo kumatwa na kushikiliwa na mkuu wa wilaya kwa muda mrefu.

"Wafugaji wananyanyaswa sana, wapo ambao wameombwa rushwa na wengine wamelipa faini, fedha nyingi ambazo malipo yanafanyika kinyume cha taratibu za serikali kwa kuwa hakuna namba ya malipo ya serikali wanayopatiwa kwa ajili ya malipo na walioshindwa mifugo yao imeshikiliwa hadi sasa," alisema.

Kiongozi huyo wa wafugaji alisema wanaishauri serikali kushirikiana na chama hicho ili kwenda katika maeneo hayo na kuzungumza na wafugaji kwa lengo la kupata suluhu ya kudumu ikiwamo utengaji maeneo ya nyanda za malisho.

"Hivi sasa wafugaji wanalazimishwa kwenda kwenye vitalu vilivyotengwa lakini maeneo hayo pamoja na wafugaji kulipa fedha hayana miundombinu. Mfugaji anatakiwa kuchimba

kisima, gharama zake ni takribani milioni 20," alilalamika.

Kaimu Katibu Mkuu wa CCWT, Mthayo Daniel, aliomba mamlaka za nchi kuhakikisha yeyote aliyehusika na kifo cha mfugaji anachukuliwa hatua kwa mujibu wa sheria.

"Hatuelewi ni kwanini hadi sasa mamlaka zipo kimya na mhusika anafahamika. Tunaomba hatua zichukuliwe ili mfugaji yule aliyeuawa ndani ya zizi la mifugo yake kwa kupigwa risasi anapata haki yake," alisema.

Mkuu wa Wilaya ya Tunduru, Julius Mtatiro, akifafanua kuhusu madai hayo wilayani mwake kwa waandishi wa habari, alithibitisha kuendelea kwa operesheni ya kuhamisha mifugo inayochungwa holela. Inapelekwa katika vitalu vilivyo tengwa.

"Tunatekeleza operesheni hii kwa mujibu wa sheria ili kuondoa ufugaji holela na kulinda maeneo yetu ikiwamo vyanzo vya maji, lakini wafugaji hawataki. Tumeshatenga vitalu 279 kwa ajili yao," alisema.

Kuhusu madai ya kufanyika mauaji wilayani mwake, Mtatiro alisema hakuna madhara yoyote yaliyosababishwa na operesheni hiyo.

"Chama cha wafugaji hawapendi operesheni yangu na mimi ni mdau wa mazingira. Siwezi kurudi nyuma kamwe, acha wanichukie ndiyo maana hata linapotokea tukio la mauaji wanasema ni kwangu, lakini hadi sasa kwangu ni shwari ila ninasikia katika wilaya nyingine ndiko yametokea mauaji," alifafanua Mtatiro.